

**Iluarsiissut**

**Isumaliutissiissut 27.oktober 2022-meersoq taarserlugu  
(Tusarniaanermit akissutit pillugit immikkortumi iluarsiisoqarpoq)**

**Uunga siunnersuut: Grønlands tekniske Organisationi pillugu Inatsisartut peqqussutaat  
nr. 8, 19. december 1986-imeersup allanngortinnejarnissaq pillugu Inatsisartut  
inatsisaat. (Nukissiorfinnut siulersuisunik pilersitsineq)**

**pillugu****Sanaartornermut Ataatsimiitaliap****Siunnersuutip aappassaaneerneqarneranut****ISUMALIUTISSIISUTAA**

Sanaartornermut Ataatsimiitaliaq suliarinninnermini ukuninnga inuttaqarpoq:

Inatsisartunut ilaasortaq Kristian Jeremiassen, Inuit Ataqatigiit, Siulittaasoq  
Inatsisartunut ilaasortaq Siverth K. Heilmann, Atassut, siulittaasup tullia  
Inatsisartunut ilaasortaq Harald Bianco, Inuit Ataqatigiit  
Inatsisartunut ilaasortaq Anders Olsen, Siumut  
Inatsisartunut ilaasortaq Jens Kristian Therkelsen, Siumut

UKA 2022-imi ulloq 6. Oktober siullermeerinninnerup kingorna ataatsimiitaliap siunnersuut misissorpaa.

**Siunnersuutip imarisaa siunertaalu**

Siunnersummi matumani Naalakkersuisut aamma Nukissiorfiit akornanni suliassat agguarsimanissaasa qulakkeerniarnissaat siunertarineqarpoq. Nukissiorfiit ulluinnarni aqutsineq pisortamit isumagineqarnerata saniatigut siulersuisunit aqunneqarnissaq siunnersummi qulakkeerneqassaaq. Inatsimmi allannguutit ulloq 1. januar 2023-mi atuutilersinneqassapput.

**Siunnersuutip Inatsisartunit siullermeerneqarnera**

Siunnersuut ataatsimut isigalugu taperserneqarpoq immikkoortorlu ataatsimiititaliamit suliarineqartussanngornissaa innersuussutigineqarpoq.

### **Tusarniaanermiit akissutit**

Siunnersuut piffissami 10. juulimiit 10. aggustimut tusarniaassutigineqarpoq. Tusarniaanermiit akissutit siunnersummut ilanngunneqarput, tamanna Inatsisartut Siulittaasoqarfianit ilusissatut piumasaqaatinut naapertuuppoq.

Tamatuma saniatigut siulersuisunut ilaasortanik toqqaasarnermi ersarissuutitsinissamut siulersuisullu eqqortunik piginnaasaqarnissaannut tunngassuteqartut pillugit tusarniaanermiit akissutigineqarsimasut ataatsimiititaliamit maluginiarneqarpoq.

### **Siunnersuutip aningaasatigut kingunerisassai**

Siunnersuutip piviusunngortinnerani aningaasatigut kingunerisassai siunnersummi nalinginnaasumik oqaaseqaatini allaaserineqarput. Nukissiorfiit siulersuisunut aningaasartuutit akilissagaat, siulersuisut katitigaanerat aamma akissarsiassat aalajangersarneqarnerat, suliffeqarfiiup inuiaqatigiinni siunertaqarnera eqqarsaatigalugit pissasut ilaatigut allassimavvoq. Ataatsimiititaliaq aningaasatigut allaffissornikkullu kingunerisassat pillugit oqaassisqaqanngilaq.

### **Ataatsimiititaliap siunnersummik suliarinninna**

Siulersuisut pisortaatitallu atuunnissaannut killissaliussat ersarinnerusut nalunaarummi aalajangersarneqassasut siunnersummi nalinginnaasumik oqaaseqaatini allaaserineqarpoq. Nalunaarut nukissamik pilersuineq pillugu Inatsisartut peqqussutaanni § 4, imm. 3 naapertorlugu aalajangersarneqassaaq. Tassunga atatillugu siulersuisut inatsisini killissaliussat iluanni suliffeqarfimmi periusissatigut siunnerfiit aalajangersassavaat, suliffeqarfiiullu isumannaatsumik ingerlanneqarnissa qulakkiissallugu. Siulersuisut eqqortunik piginnaasaqarnissaat pingaaruteqarluinnartoq ataatsimiititaliaq isumaqarpoq, suliassat pingaaruteqartut pitsaanerpaamik isumagineqarnissaat taamaaliornikkullu inuiaqatigiit suliffeqarfimmiit iluaqtissarsiffigisinnaanissaat qulakkeerneqassammat.

### **Ataatsimiititaliap inassutai**

- Ataatsimiititaliap isumaqatigiittup siunnersuutip akuersissutigineqarnissaa inassutigaat

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiitaliap siunnersuut aappassaaniigassanngortippaa.

Kristian Jeremiassen

Siulittaasoq

Siverth K Heilmann

Siulittaasup tullia

Harald Bianco

Anders Olsen

Jens Kristian Therkelsen